

Källa: Språkrådet

## **Dov reaktoem nationelle unnelåhkoegielaide provhkedh**

Mejtie datne akte dejstie nationelle unnelåhkoen almetjijstie dellie dov lea reaktoem jijtjedh gielesne åajvohkigujmie govlehtidh. Daesnie åadtjoeh daejredh magkerh reaktah dov jih maam maahtah dov tjieletste jih jeatjah åajvoehkijstie tsihkestedh.

Tsiengelen 1 biejjien 2010 orre laakem vihtiesti nationelle unnelåhkoen almetji jih unnelåhkoegieli bijre. Unnelåhkoen almetjinie leah judah, rovmerh, saemieh, sveerjesåevmekh jih tornedaelehh. Dah nationelle unnelåhkoegielh leah jiddisch, romska (romani chib) saemiengiele, såevmiengiele jih meänkieli.

### ***Gaajhkh nationelle unnelåhkoegielaide edtjeh vaarjelidh jih evtiedidh***

Laake vihteste gaajhkide nationelle unnelåhkoegielaide edtjeh vaarjelidh jih evtiedidh. Dan gie nationelle unnelåhkoen almetjijstie lea reaktoem jijtse unnelåhkoegielem lieredh, evtiedidh jih provhkedh. Åajvohkh edtjeh nationelle unnelåhkoen almetjidie goltelidh jih dej daerpiesvoetide krööhkestidh.

Åajvohki diedte dov reaktaj bijre bievnedidh, saah magkere nationelle unnelåhkoegielem soptsesh jih gusnie Sveerjesne årroeh.

### ***Sjïere nænnoes reaktah såevmiengielese, meänkielise jih saemiengielese***

Sjïere nænnoes reaktah disse gie såevmiengielem, meänkieli jallh saemiengielem soptsese jih akten tjieltesne reeremedajvesne årroeh. Vöölemes daennie bielesne maahtah lohkedh mejtie dov tjielte reeremedajven sisnie.

**Datne gie akten tjieltesne reeremedajvesne årroeh** reaktoem åtnah åajvohkigujmie jijtjedh gielesne govlehtalledh. Datnem edtjeh seamma gielesne dovne tjaaleldh jih njaalmeldh vaestiedidh.

Datne maahtah gaajhken jallh muvhten aejkien dovne maana- jih voereshoksem tsihkestedh såevmiengielesne, meänkielisne jallh saemiengielesne.

Jis tjieletste Giron, Jiellvárre, **Árjepluovve**, **Jåhkåmåhkke**, Háhpárándi, Pajala, Övertorneå, luvnie årroeh dov lea reaktoem unnelåhkoegielem provhkedh gosse reaktine govlehtidh.

**Datne gie akten tjieltesne reeremedajven bæjngolen årroeh** aaj maahtah åajvoehkidie govlehtidh jih voereshoksem såevmiengielesne, meänkielisne jallh saemiengielesne åadtjodh, jis barkijh gååvnesieh gie gielem maehtieh. Åajvohkh byöroe vääksjedidh juktie gielemaehtes barkijh gååvnesieh gosse daerpies.

**Saah gusnie årroeh** dov lea luhpie såevmiengielem, meänkielim jallh saemiengielem åadtjodh tjaeledh Ríjhkebiejjien saadhalmetjidie, Justitiekanslerasse, Försäkringskassan gåajkoe, Skaehtievarhkan jih Diskrimineringsombudsmannen gåajkoe.

### ***Daesnie maahta govlehtidh***

Jis tuhtjh dov tjielte jallh jeatjah åajvohkh eah laaken stille miemie berkieh maahtah Leenestávroem Stuehkien leenesne jallh Saemiedigkiem govlehtalledh mah edtjeh laakem

vååksjedidh. Saemiengielh lea Saemiedigkien diiedte jïh dah jeatjah gïelh lea Leenenstávroen Stuehkesne.

[Enheten för minoritetsfrågor/Leenenstávroe Stuehkien leenesne](#)

Tfn 08-785 40 00

[Saemiedigkie](#)

Tfn 0980-780 30